

Абдулқуддус амакининг сабоқлари (8-қисм)

05:00 / 16.02.2017 4421

Абдулқуддус амакининг сабоқлари (8-қисм)

ИЙМОН НИМА ДЕГАНИ

Ассалому алайкум, кўтар қўзларнинг нури бўлган дилбандларим! Бугун мен сизларга Ислом динининг бешта устунидан биринчиси бўлган иймон ҳақида гапириб бераман. Иймон дегани, Аллоҳ таолонинг яккаю ягоналигига ҳамда Жаноби Пайғамбаримиз Аллоҳ таоло тарафидан нима келтирган бўлсалар, ўшанга тил билан иқрор бўлиш ва дил билан тасдиқлаштирилган. Съхунга иймон келтирган кишилар «мўмин» дейилади ва улар чин мусулмонлардир.

Мўмин кишилар еру осмондаги ҳамма нарсаларнинг, ҳатто ой, қуёш, юлдузларнинг, ўсимлик ва ҳайвонларнинг ҳаммасининг хўжайини, эгаси битта - яккаю ягона Аллоҳ таоло эканига ишонадилар. Улар Аллоҳ таолонинг фаришталарига, Пайғамбарларига, китобларига, охират кунига, ўлгандан кейин қайта тирилишга ва қадарга ишонадилар.

Мўмин кишилар ўзларининг қаердан келганларини, нега келганларини ва қаёққа кетишларини тушуниб оладилар. Дунёдаги ҳамма нарса фақат Аллоҳнинг истаги-ҳоҳиши билангина рўй беришини, барча одамлар Аллоҳ таолонинг олдида жавобгар эканини биладилар. Шунинг учун улар Аллоҳ таоло буюрган яхши, савобли ишларни қилишади. Яъни намоз ўқиб, рўза тутиб ибодатда бўлишади. Ҳалол меҳнат қилишади. Уйлар қуришади, ариқлар кавлаб, йўллар очишади. Фарзандларини яхши тарбиялаб, билим беришади. Бир-бирларига ёрдамлашишади, яхши муомала қилишади. Ана шулар чин иймонли кишилардир. Улар жаннатга киришдай катта мукофот олишади.

Иймонсиз кишилар эса Аллоҳдан эмас, қандайдир ваҳимали воқеалардан ёки одамлардан қўрқишишади. Пайғамбар алайҳиссаломнинг айтганларини бажаришмайди. Одамларни алдашади. Ёлғон гапиришади. Уруш-жанжал кўтаришади. Намоз ўқишдан ор қилишади. Ислом динига душманлик кўрсатиб, ўзларини яхшиликка чақирганларни хўрлашади. Бундай одамлар

дўзах азоблари билан жазоланишади.

Иймоннинг энг асосий шартлари - Аллоҳ таолони таниш ва ҳамиша Унга бўйсуниш, Ундан қўрқишидир. Аллоҳни таниш қандай бўлади? Ҳамма нарсани Аллоҳ яратган. У нимани хоҳласа қила олади, йўқни бор, борни йўқ қиласди. У аввалдан бор бўлган ва мангу бор бўлади. У якка-ёлғиз. Унинг шериги ҳам тенги ҳам ўхشاши ҳам йўқ. У ҳеч нарсага ўхшамайди. У ҳамма нарсани, ҳатто кечаси одамлар уйларининг ичидаги намоз ўқиётганини ҳам кўриб туради. У ҳамма нарсани, ҳатто «Аллоҳим, мени кечиргин!» деб ичингизда айтсангиз ҳам эшитади. У ҳатто хаёлингизда «Бугун онамга бир яхшилик қилайин» деб ўйласангиз ҳам билиб туради. Унинг амрига ҳеч ким қарши бўла олмайди. Ҳар қандай қудратли, кучли нарса ҳам Аллоҳнинг куч-қудратига тенг келолмайди. Шунинг учун ҳамма мусулмонлар ҳар куни беш марта намоз ўқиётганда бор овоз билан «Аллоҳу акбар» («Аллоҳ улуғидир, буюқдир!») деб қайтаришади. Ана шуларни тушуниб етиш бизнинг Аллоҳни танишимиз бўлади.

Аллоҳга бўйсуниб, иймон келтириш қандай бўлади? Аллоҳ буюрган ишларни қилиш, «қилманглар» деганини қилмаслик Аллоҳга бўйсуниш бўлади. Ҳар бир ишда, ҳамма жойда, ҳамма вақт «Аллоҳ кўриб-билиб турган-ку!» деб қўрқиши - Аллоҳга бўйсуниш бўлади. Аллоҳнинг аввалги дарсларда санаб ўтилган барча сифатларига ишониш, Унинг буйруқларини бажариш, Ундан ҳамиша қўрқиб туриш Аллоҳ таолога иймон келтириш бўлади.

Аллоҳ таолога иймон келтирдингизми? Энди Уни хурсанд қилиш учун ибодат қилинг! Уни доимо эслаб туриш, «Субҳаналлоҳ» деб мақтовлар айтиб туриш. «Алҳамдулиллаҳ» деган сўзни ўрганиб олсангиз, Аллоҳ таолога шукр айтган бўласиз. Ахир бизларни ёруғ дунёга келтириб, нафас олсак ҳавони, чанқасак тоза сут ва сувларни, қорнимиз очса минг хил лаззатли овқатларни бериб қўйган, яланғоч юрмасин деб кийимларгача таъминлаган бунақа меҳрибон Зотни мақтамай, унга шукр айтмай бўладими?

Мана иймон нима эканини оз-моз тушуниб олдингиз. Иймонли бўлиш учун нималар қилиш кераклигини ҳам билдингиз. Келаси машғулотимизга «Субҳаналлоҳ», «Алҳамдулиллаҳ», «Аллоҳу акбар» деган сўзларни ёдлаб келасиз ва маъносини тушунтириб берасиз. Келишдикми?

IYMON NIMA DEGANI

Assalomu alaykum, ko'rар ko'zlarning nuri bo'lган dilbandlarim! Bugun men sizlarga Islom dinining beshta ustunidan birinchisi bo'lган **iymон** haqida gapirib beraman. Iyomon degani Alloh taoloning yakkayu yagonaligiga hamda Janobi Payg'ambarimiz Alloh taolo tarafidan nima keltirgan bo'lsalar, o'shangan til bilan iqror bo'lish va dil bilan tasdiqlashtir. S'hunga iyomon keltirgan kishilar «**mo'min**» deyiladi va ular chin musulmonlardir.

Mo'min kishilar yeri osmondagи hamma narsalarning, hatto oy, quyosh, yulduzlarning, o'simlik va hayvonlarning hammasining xo'jayini, egasi bitta - yakkayu yagona **Alloh taolo** ekaniga ishonadilar. Ular Alloh taoloning farishtalariga, Payg'ambarlariga, kitoblariga, oxirat kuniga, o'lgandan keyin qayta tirilishga va qadarga ishonadilar.

Mo'min kishilar o'zlarining qayerdan kelganlarini, nega kelganlarini va qayoqqa ketishlarini tushunib oladilar. Dunyodagi hamma narsa faqat Allohnинг istagi-xohishi bilangina ro'y berishini, barcha odamlar Alloh taoloning oldida javobgar ekanini biladilar. Shuning uchun ular Alloh taolo buyurgan yaxshi, savobli ishlarni qilishadi. Ya'ni namoz o'qib, ro'za tutib ibodatda bo'lishadi. Halol mehnat qilishadi. Uylar qurishadi, ariqlar kavlab, yo'llar ochishadi. Farzandlarini yaxshi tarbiyalab, bilim berishadi. Bir-birlariga yordamlashishadi, yaxshi muomala qilishadi. Ana shular chin iyomonli kishilardir. Ular jannatga kirishday katta mukofot olishadi.

Iymonsiz kishilar esa Allohdan emas, qandaydir vahimali voqealardan yoki odamlardan qo'rqishadi. Payg'ambar alayhissalomning aytganlarini bajarishmaydi. Odamlarni aldashadi. Yolg'on gapirishadi. Urush-janjal ko'tarishadi. Namoz o'qishdan or qilishadi. Islom diniga dushmanlik ko'rsatib, o'zlarini yaxshilikka chaqirganlarni xo'rplashadi. Bunday odamlar do'zax azoblari bilan jazolanishadi.

Iyomonning eng asosiy shartlari - Alloh taoloni tanish va hamisha Unga bo'ysunish, Undan qo'rqishdir. Allohn'i tanish qanday bo'ladi? Hamma narsani Alloh yaratgan. U nimani xohlasa qila oladi, yo'jni bor, borni yo'q qiladi. U avvaldan bor bo'lган va mangu bor bo'ladi. U yakka-yolg'iz. Uning sherigi ham, tengi ham, o'xshashi ham yo'q. U hech narsaga o'xshamaydi. U hamma narsani, hatto kechasi odamlar uylarining ichida namoz o'qiyotganini ham ko'rib turadi. U hamma narsani, hatto «Allohim, meni kechirgin!» deb ichingizda aystsangiz ham

eshitadi. U hatto xayolingizda «Bugun onamga bir yaxshilik qilayin» deb o'ylasangiz ham bilib turadi. Uning amriga hech kim qarshi bo'la olmaydi. Har qanday qudratli, kuchli narsa ham Allohning kuch-qudratiga teng kelolmaydi. Shuning uchun hamma musulmonlar har kuni besh marta namoz o'qiyotganda bor ovoz bilan «Allohu akbar» («Alloh ulug'dir, buyukdir!») deb qaytarishadi. Ana shularni tushunib yetish bizning Alloho tanishimiz bo'ladi.

Allohga bo'ysunib, iymon keltirish qanday bo'ladi? Allah buyurgan ishlarni qilish, «qilmanglar» deganini qilmaslik Allohga bo'ysunish bo'ladi. Har bir ishda, hamma joyda, hamma vaqt «Allah ko'rib-bilib turgan-ku!» deb qo'rqish – Allohga bo'ysunish bo'ladi. Allohning avvalgi darslarda sanab o'tilgan barcha sifatlariga ishonish, Uning buyruqlarini bajarish, Undan hamisha qo'rqib turish Allah taologa iymon keltirish bo'ladi.

Allah taologa iymon keltirdingizmi? Endi Uni xursand qilish uchun ibodat qiling! Uni doimo eslab turing, «**Subhanalloh**» deb maqtovlar aytib turing. «**Alhamdulillah**» degan so'zni o'rganib olsangiz, Allah taologa shukr aytgan bo'lasiz. Axir bizlarni yorug' dunyoga keltirib, nafas olsak havoni, chanqasak toza sut va suvlarni, qornimiz ochsa ming xil lazzatli ovqatlarni berib qo'ygan, yalang'och yurmasin deb kiyimlargacha ta'minlagan bunaqa mehribon zotni maqtamay, unga shukr aytmay bo'ladimi?

Mana, iymon nima ekanini oz-moz tushunib oldingiz. Iymonii bo'lish uchun nimalar qilish kerakligini ham bildingiz. Kelasi mashg'ulotimizga «Subhanalloh», «Alhamdulillah», «Allohu akbar» degan so'zlarni yodlab kelasiz va ma'nosini tushuntirib berasiz. Kelishdikmi?

Ahmad MUHAMMAD